

ЎЗБЕКИСТОН РЕСПУБЛИКАСИ  
ПРЕЗИДЕНТИНИНГ  
**ҚАРОРИ**



**ПОСТАНОВЛЕНИЕ**  
ПРЕЗИДЕНТА  
РЕСПУБЛИКИ УЗБЕКИСТАН

2018 йил „2“ апрель

№ ПҚ-3646

“—” 20 г.

**Ўзбекистон Республикаси Курилиш вазирлиги  
фаолиятини ташкил этиш тўғрисида**

Ўзбекистон Республикаси Курилиш вазирлиги фаолиятини самарали ташкил этиш мақсадида, шунингдек, Ўзбекистон Республикаси Президентининг 2018 йил 2 апрелдаги “Курилиш соҳасида давлат бошқаруви тизимини тубдан такомиллаштириш чора-тадбирлари тўғрисида”ги ПФ-5392-сон Фармонига мувофик:

1. “Шаҳарсозлик хужжатлари экспертизаси” давлат унитар корхонаси ташкил қилинсин ва куйидагилар унинг асосий вазифалари этиб белгилансин:

белгиланган тартибда шаҳарсозлик хужжатлари экспертизасини ташкил этиш ва ўтказишни таъминлаш;

архитектура-режалаштириш ва шаҳарсозлик ечимлари даражасини ошириш;

лойиха иши ва курилиш ишлаб чиқаришини такомиллаштириш, лойихалаш ва курилиш соҳасида илгор тажрибани ўрганиш ва оммалаштириш;

шаҳарсозлик фаолияти соҳасида буюртмачилар, шаҳарсозлик хужжатларини ишлаб чиқувчилар ва бошқа ташкилотлар ўртасидаги келишмовчиликларни кўриб чиқиш.

Белгилансинки, ўрнатилган тартибда аккредитациядан ўтган тадбиркорлик субъектлари ҳам ушбу бандда назарда тутилган вазифаларни бажариш хукукига эга.

Ўзбекистон Республикаси Курилиш вазирлиги бир ой муддатда “Шаҳарсозлик хужжатлари экспертизаси” давлат унитар корхонасининг уставини ишлаб чиқсин ва унинг ўрнатилган тартибда давлат рўйхатидан ўтказилишини таъминласин.

2. Куйидагилар:

Ўзбекистон Республикаси Курилиш вазирлиги тизимининг ташкилий тузилмаси 1-иловага мувофик;

Ўзбекистон Республикаси Курилиш вазирлиги марказий аппаратининг тузилмаси 2-иловага мувофик;

Қоракалпоғистон Республикаси Курилиш вазирлиги, вилоятлар ва Тошкент шаҳар курилиш бош бошқармаларининг тузилмалари 3 ва 3.1-иловаларга мувофик;

курилиш бўйича худудий бўлинмалар бошқарув ва ишлаб чиқариш ходимларининг чекланган сони 4-иловага мувофиқ тасдиқлансан.

3. Ўзбекистон Республикаси Курилиш вазирлиги (кейинги ўринларда Вазирлик деб юритилади) марказий аппаратининг Ўзбекистон Республикаси Давлат бюджети маблағлари ва конун хужжатларида тасдиқланмаган бошқа манбалар ҳисобидан молиялаштириладиган бошқарув ходимлари чекланган сони 81 нафар этиб белгилансин.

4. Ўзбекистон Республикаси Курилиш вазирига:

зарур бўлганда, бошқарув ходимларининг белгиланган штатлар сони ва меҳнатга ҳак тўлаш фонди доирасида Вазирлик ва идоравий мансуб ташкилотларнинг тузилмасига ўзгартиришлар киритиш;

Вазирлик фаолиятини кўллаб-қувватлаш жамғармаси (кейинги ўринларда – Жамғарма) маблағлари ҳисобидан Вазирликнинг қўшимча ходимлар штат бирликларини киритиш;

Вазирликка юқлатилган вазифаларни бажариш доирасида давлат органлари ва бошқа ташкилотлар, етакчи лойиҳа институтлари, илмий-таълим муассасалари, шунингдек, ҳалқаро ташкилотлар ва чет эл компанияларининг юқори малакали мутахассисларини маслаҳатчи сифатида жалб этиш;

юқори малакали хорижий мутахассисларни ишга қабул килиш, Жамғарма маблағлари ҳисобидан уларга иш ҳаки ва бошқа тўловлар миқдорини белгилаш хуқуки берилсин.

5. Белгилансинки, Хизматчиларнинг асосий лавозимлари ва ишчилар касблари классификатори ишга қабул килишда ходимлар маълумотининг энг паст даражаси, ишчилар касблари бўйича малака разрядларини белгилаш юзасидан тегишли йўналишда хорижий олий таълим муассасаларини тамомлаган мутахассисларга нисбатан Вазирликда кўлланилиши, истисно тариқасида, тавсиявий характерга эга.

6. Белгилаб қўйилсинки:

Ўзбекистон Республикаси Курилиш вазири, шунингдек, унинг ўринбосарлари Ўзбекистон Республикаси Бош вазирининг тақдимномасига биноан Ўзбекистон Республикаси Президенти томонидан лавозимга тайинланади ва лавозимдан озод этилади;

Вазирлик тизимидағи ходимларга конун хужжатларида назарда тутилган устама ҳақлари ва қўшимча тўловлардан ташқари Ўзбекистон Республикаси Молия вазирлиги билан келишилган холда Курилиш вазири томонидан тасдиқланадиган курилиш соҳаси ходимлари фаолиятини баҳолашнинг рейтинг тизимиға мувофиқ аниқланадиган меҳнатдаги юқори натижалари учун Жамғарма маблағлари ҳисобидан қуйидаги миқдорларда рафбатлантирувчи тўловлар амалга оширилади:

лавозим маошига нисбатан 50 фоиз – 70 баллдан 80 баллгача тўплаган ходимларга;

лавозим маошига нисбатан 100 фоиз – 80 баллдан 90 баллгача тўплаган ходимларга;

лавозим маошига нисбатан 200 фоиз – 90 баллдан 100 баллгача тўплаган ходимларга.

Бунда, Ўзбекистон Республикаси Вазирлар Маҳкамасининг 1999 йил 3 сентябрдаги “Бюджет ташкилотларини маблағ билан таъминлаш тартибини такомиллаштириш тўғрисида”ги 414-сон қарорининг бюджетдан ташқари маблағларни ишлатиш қисмидаги талаблари Вазирликка нисбатан жорий этилмаслиги кўрсатиб ўтилсин.

7. Ўзбекистон Республикаси Вазирлар Маҳкамаси бир ой муддатда Вазирлик ва Жамғарма тўғрисидаги низомларни, жумладан Жамғарманинг даромад манбаларини аниқлаштирган ҳолда, шунингдек, Вазирлик хузуридаги Курилиш соҳасида назорат инспекциясининг тузилмасини тасдиқласин.

8. Ўзбекистон Республикаси Ички ишлар вазирлиги Вазирликнинг буюртмалари бўйича юклатилган вазифаларни ижро этиш учун жалб қилинаётган чет эл мутахассисларига давлат божи ундирилмасдан кўп марталик визалар расмийлаштирилиши, берилиши ва муддати узайтирилишини, шунингдек, уларни вактинча прописка қилиш, турган жойи бўйича ҳисобга олиш ҳамда уларнинг узайтирилишини таъминласин.

9. Ўзбекистон Республикаси Бандлик ва меҳнат муносабатлари вазирлиги Вазирликнинг буюртмалари бўйича юклатилган вазифаларни амалга ошириш учун республикага чет эл мутахассисларини жалб қилишга рухсатномалар берилишини (узайтирилишини), шунингдек, жалб қилинаётган чет эл мутахассисларига Ўзбекистон Республикаси худудида меҳнат фаолиятини амалга ошириш хукуқига тасдиқномалар берилишини (узайтирилишини) таъминласин.

10. Ўзбекистон Республикаси Президентининг айrim қарорлари 5-илювага мувофиқ ўз кучини йўқотган деб хисоблансин.

11. Вазирлик Ўзбекистон Республикаси Адлия вазирлиги ҳамда бошка манфаатдор вазирликлар ва идоралар билан биргаликда бир ой муддатда қонун хужжатларига ушбу қарордан келиб чикадиган ўзгартиш ва қўшимчалар тўғрисидаги таклифларни Вазирлар Маҳкамасига киритсин.

12. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов, Ўзбекистон Республикаси Бош вазирининг биринчи ўринбосари А.Ж. Раматов, Ўзбекистон Республикаси Президенти хузуридаги Лойиҳа бошқаруви миллий агентлиги директори Ш.М. Содиқов ва Ўзбекистон Республикасининг Бош прокурори О.Б. Муродов зиммасига юклансин.

Ўзбекистон Республикаси  
Президенти

Тошкент шаҳри



Ш.Мирзиёев

Ўзбекистон Республикаси Президентининг  
2018 йил “2” апрелдаги ПҚ-3646-сон карорига  
5-илова

**Ўзбекистон Республикаси Президентининг ўз кучини  
йўқотган айрим қарорлари  
рўйхати**

1. Ўзбекистон Республикаси Президентининг 2014 йил 3 мартағи “Қурилиш ташкилотларини янада ривожлантириш ва уларнинг моддий-техника базасини мустаҳкамлаш чора-тадбирлари тўғрисида”ги ПҚ-2137-сон карорининг 1, 2, 6 ва 7-бандлари.

2. Ўзбекистон Республикаси Президентининг 2017 йил 1 майдаги “Ўзбекистон Республикаси Давлат архитектура ва қурилиш қўмитаси фаолиятини ташкил этиш чора-тадбирлари тўғрисида”ги ПҚ-2936-сон карорининг 3-банди ҳамда 1-7-иловалари.

